

近代中國史料叢刊第六十五輯
沈雲龍主編

鷗舫詩文鈔

潘振華著

文海出版社
有限公司印行

鷗舫詩文鈔

中華民國二十四年
歲在乙亥仲春之月
上海華豐印刷鑄字
所真宋活字版精印

10/15/21

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





像 歲 十 六 者 作 書 本

先生姓潘諱振華字奏平晚年自號信
天翁江蘇舊常州府陽湖縣人性謹厚
重品行與人相交取予不苟犯而不校
居恆以寧人負我毋我負人自勉並勸
其子弟雖生當入股取士之世然酷好
詩古文辭常謂帖括乃獵取功名藉以
進身之具至吾儒正學當於經史古文
求之世居郡城東之東青鎮題其齋曰
鷗舫鷗舫詩文鈔之名昉此清咸豐五
年乙卯生民國十年辛酉卒年六十七

屠序

鷗舫詩鈔同學友潘奏平先生所作也先生篤信好學
敦品礪行夙爲儕輩所欽敬尙憶清光緒十三年秋先
生曾將所作詩草倩予校勘余嘗讚其格律嚴整如其
風度迄今將三十年矣疇昔之晨先生見過袖出一冊
示余曰此吾四十年來所作之詩稿也昔年曾蒙君校
勘數十年間增刪修改者屢矣今抄錄成冊更勞君爲
之序可乎余欣然受而誦之但覺渾厚高雅神韻天然
古體詩高出魏晉不懈而及於古近體詩出入中晚唐
之間其中佳句臻盛唐氣韻者亦復不少循讀再三興
味盎然爲之廢寢者竟夕因念太上立德其次立功其
次立言先生溫然而恭淡泊明志品行道德表率儒林
著書立言卓然可傳而余於前數十年之中爲虛名所
累奔走南北一無足云今兩鬢如絲頽然已老近且役

於案牘不遑寧處以視先生之課徒教子閉戶自精務
記覽爲詞章肆力於詩古文辭者其得失爲何如耶余
既佩先生詩之工又羨其有清閒之福也爰爲之序
共和二年癸丑上巳 同學弟屠寄

陳序

潘生抑強肄業南菁劬學砥行恂恂如也觀其所爲詩
文格律嚴整綽有家數非尋常者可比心知其必受教
於名人一日抱一冊以謁余且告曰此家君詩文藁也
願先生弁數語於簡端受而讀之冲夷高渾妙造自然
其中古近體詩有隨州香山之神味而駢散文則上追
六代下宗八家洵近今不可多見之作雄誦之餘不覺
神爲之爽心爲之折由是知潘生之詩文所以能遵蹈
軌範者乃得力於家學不淺也嗟乎論詩古文辭於今
日匪特能之者鮮知之者有幾人耶卽有一二老師宿
儒手蟬簡背奚囊談藝於山隈水涯正如白頭宮女當
落葉滿階時說開元天寶遺事其如宮花寂寞何哉雖
然玉韞於匱輝山之采仍存劍韜於匣翬霄之氣常在
曲園俞氏有言曰此事相期五百年安見後之來者不

有卞和張華其人發篋開滕爲寶物一振光耀乎吾願
潘生什襲珍之非特可衍家學之淵源且可詒來哲以
操觚之槩範也

己未雨水節後三日

及荃陳名經

鷗舫詩鈔自記

余本不善吟詠微蟲效響深恐貽笑大方少時所作輒付焚如弱冠後間有存者計自光緒紀元始閱三十五載宣統龍飛爰裒集舊稿共得五言古詩一百二十三首七言古詩十首五言絕句六十四首七言絕句二百零六首五言律詩一百六十二首排律八首七言律詩一百五十三首排律四首此外遊中泠泉勝境啜茗五言古詩一首設報館興學堂歲暮赴京江選舉省議會及衆議院議員紀事與諸子遊焦山定慧寺等七言古詩四首係辛亥以後所作繫於各類之後計共古近體詩七百三十五首依年編次分訂六卷抄錄成冊聊誌鴻爪云耳

又同治壬申歲余年十有八有壽安堂集英書塾經古約課納涼竹枝詞八首課師陶仲豹先生評曰竹枝詞

脫熟有成誦在心借書於手之妙今師已久歸道山檢
稿得之有知己之感因附錄於第四卷之末以資紀念
不自知其醜也

太歲在玄默困敦涂月元日

陽湖潘振華自記

鷗舫詩文鈔目錄

卷第一 古體詩

五言古詩一百二十四首

卷第二 古體詩

樂府及七言古詩共十四首

卷第三 近體詩

五言絕句六十四首

卷第四 近體詩

七言絕句二百零六首附錄八首

卷第五 近體詩

五言律詩一百六十二首

五言排律八首

卷第六 近體詩

七言律詩一百五十三首

七言排律四首

卷第七 論說文

論十三篇

說一篇

卷第八 碑誌及序跋文

碑誌八篇

序跋五篇

卷第九 傳狀文

行事略二篇

家傳二十篇

卷第十 壽序書牘及祭告文

壽序三篇

書牘一篇

祭告二篇

鷗舫詩文鈔卷一

五言古詩一百二十四首

陽湖潘振華奏平氏著

男抑強輯校

歲朝書懷

乙亥

儒冠異衆人特達爲國器庠序養成材盟心惟尙志讀書對聖賢所學知何事豈僅擅文章尤宜遵仁義桃李豔春花良時多姿媚松筠獨後凋嚴寒轉蒼翠舉世笑爲迂斯文賴未墜春輝滿院幽齒加學應邃通顯當致身困窮亦何累庸流無短長反己徒滋媿

獨遊二首

丙子

獨遊步郊原遠山纔十里遙排八九峯林壑斯爲美夕陽返照紅餘霞散成綺一碧草塘谿澄清波瀾瀾繞渚盡寒蘆楊柳煙籠水夭桃灼灼華春光倍旖旎乘興輒閒行騁懷何時已

性僻耽林泉山水窮幽趣風定落花香徘徊不能去
荻芽抽筍齊時見飛鷗鷺犬吠別村遙蒼蒼鬱雲樹小憩
脩竹中老農復相遇坐對話桑麻傾談斜陽渡暮雲暗
幾重長嘯尋歸路

送彥翰大兄之姑蘇

丁丑

行樂在姑蘇別離亦良苦雁序幾何時分散俾我瘡家
貧藉謀生疇得安衡宇重逢待來年傷離語難吐還顧
路已賒行李聊暫拄我北君向南悵望立水滸忽被秋
林遮欲倩樵人斧踟躕不能歸黯然渺南浦

郊居

鄉隅叢爾地樸野少奇英尙幸朋儕答清談寄俗情斗
酒相娛樂飲者留其名論文須見道講學且存誠野老
荷鋤歸殷勤喚先生親仁汎愛衆物我兩無爭卽此多
幽興何因別有營

謁母氏墓

戊寅

同弟步溪西言瞻母氏墓時節近清明芳草未云暮蒼
松植墓前麥苗夾細路致虔薦庶羞沈檀幾枝炷聞道
慈親沒時兒需乳哺提攜三歲間啼哭不肯住乳者立
於旁嚴命善保護至今兒長成空向佳塋顙追思罔極
恩寸草春暉度表阡尙未能豐碑亦未樹百拜向塋壟
秋霜與春露弱弟幼無知跪拜如失措焚紙灰鷲飛神
靈應久駐禮畢別孤墳一步一回顧

鄉里女兒行

誰家好女兒容顏十五餘不須施脂粉臉似紅芙蓉
脩短形俱稱春山眉未舒緩步蹴金蓮裊娜倩人扶道旁
過者問云是誰家姝不意鄉里中有此千金軀更問誰
蹇脩才子世間無時俗重黃金詎肯嫁寒儒惜哉好女
兒嘉耦尙相須一年復一年終待七香車

曠夫行

一從兵荒後境內少嬋娟曠夫無配耦空自悵孤眠江
國正春深曠夫擁寒衾嚴冬苦夜永曠夫慚孤影年年
悲如何不鼓缶而歌夢魂遶江北媒妁越風波幸而有
所合純帛不辭多不幸終不合年華歎蹉跎昨夜紛無
緒絃管鳴何所北里晝迎妻南鄰暮送女愁思從中來
佳期盼蘭渚舉頭問碧空拭目望孤鴻掌判媒氏罷無
兒鄧攸同憂傷以終老如寄梵王宮

寄邱挹清

光岐

辛巳

瀟灑讀書齋當戶望三益惟見白鷗飛晴空天一碧繫
余良朋友相隔非咫尺道遠莫致之安得玉喬鳥屢欲
折柬邀款談永朝夕其如往復難十里秋風陌何時細
論文樽酒坐藤席

鶯啼曲

壬午

朝聽黃鶯啼暮聽黃鶯啼黃鶯枝上棲夫壻玉關西相
去日已遠歲月日以晚誰能爲寄書密語加餐飯何日
早還鄉右招我由房含愁獨不見明月照流黃夜夜驚
孤夢慵把瑤琴弄遙憶出門時向郭青山送莫道覓封
侯零淚綠襟流春風吹遠塞冷月守空樓終當衣錦歸
感此心悠悠

寫意

孔方不可食嗜之如魚肉孔方不可衣愛之逾綺縠世
人利熏心求富誇敏速視之旣眈眈欲之復逐逐見人
競紛華愧己守素樸營求不能得始知關命福余非矯
情人貪婪亦所惡素其位而行何爲務積蓄經訓乃蓄
畚硯田供饘粥隨遇總相安此生全飲啄

寄汪慰卿

燦華內兄

癸未

每憶在家時非爲安其宅常得侍高堂歡笑承顏色妻

帑時相親天倫真趣得暇訪良朋友樂與數晨夕今館
龍城遠此願不能及嗟余悔讀書徒然生計拙通顯望
固奢療貧復無策年年長依人鬱鬱其何極子規向我
啼奈無晨風翼有時切思歸夢寐精神接寄語箇中人
勿忘家食吉幽情見乎辭君當爲我惻

擬古六首

幽齋苦無悰寂靜情多蹙晚來落日斜坐對草萋綠賦
詩不成章歌響知音促杜鵑聲淒清蝴蝶戀芬馥徐步
過街衢騁懷聊寓目毗陵多佳人翛然殊塵俗粉黛豔
容華羅綺自裝束不暇倫妍媸祇足亂心曲離思結中
藏微我無醞醪願爲雙飛鳧凌風歸夏屋

春晚閒遊冶良友與相親飲酒東城路感此物華新陌
上花如錦河畔草如茵芳菲易消歇爲樂及良辰徵歌
命儔侶逸響出風塵雄談商所願率意見天真吾人何

足貴榮名以爲珍豈必策高足富貴是沈淪隨時安所
遇堅苦歲寒身人生多憂患無爲厭清貧

置酒華堂上親友共銜觴琴聲妙入神鳴絃發清商美
酒斟千斛譜曲奏笙簧志在山水間知音聽低昂聞者
咸撫掌歡樂殊未央高談驚四座雄辯極精詳人生須
行樂遇合亦何常軒車非炫俗泉石非膏肓仕隱豈二
致所貴審行藏沈吟增愁思惻惻徒心傷

明月照高樓先庚聞促織斗杓忽西指河漢清無極梧
桐葉落時蒼然滿秋色蝸蟬鳴桑林飛燕復舒翼故人
膺厚祿觀光誇肉食不念志同方棄我不復憶歲月屢
遷流書札無從得天上種白榆望之不可卽良無管鮑
交安貧食舊德舒嘯登東臯平疇觀稼穡

窗前有疎梅凌寒經霜雪馨香發條枚攀折慰離別馥
郁滿裳衣欲寄魚書絕道遠不可踰感此心苑結吳楚

各一方出門車合轍家食愛吾廬嘯傲徒養拙笑讀古人書晤言自怡悅人各慕朋儔懷思常切切夢寐見容輝春秋更代迭數載一相逢須臾臻耄耄

貧者士之常死者命之終蓬萊踰萬里咫尺焉能通方士求神仙多爲道術蒙洪崖與浮邱相逢縹緲中壽命非金石賢聖有時窮思欲登崑崙訪道問木公弱水不可渡遠涉難爲功生寄死爲歸藐茲七尺躬不如飲美酒紈素坐春風奚事長歎息勞心極忡忡

夢中詩

甲申

異國令人愁山巖水急流同行諸侶伴歷險輒懷憂出門日已遠道路阻且脩還顧望鄉關雲樹漫悠悠欲書寄何由千里結綢繆

擬王仲宣從軍詩五首

從軍亦何事苦樂難具陳但願神武師能以道撫循啓

行征不服赫怒大義伸一舉獲全勝再舉蠻夷馴匪敢
勤遠略柔服及斯人鞭敲金鐙響軍唱凱歌新酒肉皆
饜飽兵馬遠途遵舞蹈歸故鄉脩德以爲珍幸今逢明
盛清晏保黎民

涼風苦秋至蟲語報先庚雄師順時起桓桓振威名汎
舟長河急陳兵大隄盈征夫懷閭里隨地動離情夕見
牛羊歸宵聞砧杵聲試誦東山詩應知感鶴鳴身在天
一方奮力效愚誠王師本無敵指日奏承平執殳貴前
驅豈聽戰鼓驚

從軍涉遠道負羽效元戎方舟泛廣川銜枚大路同落
日滿山頭月明光昭融平沙棲鴻雁長隄鳴草蟲征夫
多悽惻愴然望碧空秋露溼衣履侵曉起金風遊子念
故鄉別離見深衷干戈事未息一心成大功倚君方託
國敢竭寸心忠

朝發過長橋暮濟涉寒流逍遙聊舉目遠近望吾儔舴
艚盈千萬組練盡登舟一勞方久逸暫費永蒙休自慚
無良才時俗與沈浮儒生當許國幕下切旁求終軍請
纓組冉有用戈矛蒼生苟可濟勉力出奇謀立功定異
域投筆覓封侯

悠悠崎嶇路悽悽感我心曠野無井里秋樹覆雲潯荒
城滋薜荔仄徑鬱寒林菰蒲依水盡葭葦夾流深涼風
起天末皓月當空臨鳴蟬流古樹摩鵠近高岑征夫感
時物慷慨託清吟亮吾生樂土俯仰開胸襟易占食舊
德出處誦良箴

題張毓慶誥少尉畫竹十二首

乙酉

涼風習習生脩竹頻搖翠清影勢欹斜萬个難成字深
林忽聞響掠地秋先至勁節不能撓合遂凌雲志風竹
清光罩軒窗閒晝娟娟靜赤日午行天一碧交加影晴

和小院幽陰陰時初永長此照攤書恍歷渭川境

晴竹

叢篁幽徑深一雨洗濃綠鎮日響潺潺萬竿潤如沃林

於罨畫中灑迴已霑足密翠盡含滋猗猗散青玉

雨竹

脩脩徹夜涼露氣集寒篠湛湛如膏沐離離出塵表十

分着精神萬个逾天矯瘦竹溼無聲月墮天將曉

露竹

疎陰匝層巖雲氣滿崖谷出岫本無心須臾擁綠竹因

風靄祥雲筠翠森森簇泠然對此君怡悅堪娛目

雲竹

新梢千畝齊侵曉橫煙霧空翠霑裳衣行人在何處征

夫晨行迷不辨畦園路誤入幽篁中草露溼芒屨

霧竹

長空卷玉花瀟湘晚來雪斑竹繞江干亭亭都清絕壓

梢白堆鹽灑翠寒霏屑堅勁見天真翛然自高潔

雪竹

揚輝照當空月明浸疎竹一白護籬籬疑是篔簹谷入

林氣更清墮地光難掬靄靄碧籠煙碎影上茅屋

月竹

瀟瀟風雨聲終日鳴疎徑折筍綠都垂繁枝青逾潤欹

斜隨狂飆呼僮扶不醒時有薄煙籠幽篁清晝暝

風雨竹

庭前皓月涼窗竹鳴秋響風擺影參差星稀光疎朗竿

梢頻搖曳枝亞映書幌時聞葉有聲天籟清宵爽

風月竹

蒼茫銀界清嫩日暄林淡竹塢萬竿搖積雪飛凌亂東

風未肯和深篁暮如旦冷氣逼疏籬凍合渾難渙

風雪竹

經宵雪瀾漫曉起日當戶深竹陰逾清冷光亦和煦沈

沈暉穿林淡淡晴烘隲曲徑暮寒增斜陽紅幾許

雪晴竹

遊惠山二首

丙戌

爲愛惠泉山登臨出塵表七十五祠堂處處皆花鳥垂

楊蔭層軒文杏飄芳沼松風竟日鳴蘭若峯巒遶忽聞

疏鐘響晴雲度寒篠人間第二泉澄澈池塘小烹得碧

蘿茶齒頰餘香繞憑欄勺水瑩游魚亦夭矯靜坐自移

時頓覺心神悄

仄徑歷層岡樓閣玲瓏起雲際聳高亭怪石相灑迤山

光倍分明春色豔桃李千塍一碧齊郊原如畫裏幽邃
隔紅塵巉路削成砥曲折盡可通視遠忽復邇隔牆誦
禪經女冠多棲止深鎖無人見嬌細音盈耳徘徊憺忘
歸詩成漫自喜

飲惠泉酒

甘泉偏宜茶泉甘亦宜酒嘗此沁詩脾清香逾醇厚盈
樽獨自斟餘味猶在口山水鍾秀靈飲之令人壽

陳叔卿欽表弟入泮親朋歡宴玄妙觀精舍

樽酒敘平生居閒稱樂事况君采藻歸招飲競羅致陳
穀道人字清幽隔塵肆卽席醉流霞賦詩各見志青雲
從此干善頌尤稱意頰弁繫何人舉觴飫羹葢金蘭膠
漆交薦蘿松柏施相顧盡陶然洗盞復揚觶來歲值槐
黃同人爭附驥

與邱子軒士勳表弟陳叔卿兩茂才往玄妙觀精

舍小憩啜茗

丁亥

幽齋跼終年出郭攜親故宛轉過溪橋蒼茫鬱林樹步
入赤松家翛然遵仙路精舍兩三楹修竹交加互我行
乘興來蕭散似鷗鷺道人飲我茶熏風簾前度靜坐共
談天得無驚人句九椀沁心脾味擬金莖露斜陽挂城
頭鐘聲聞日暮徘徊出閒門心曠多佳趣

逢同學友屠敬山

寄孝廉光緒乙酉
順天中式

十載一相逢乍見感離別坐久倍殷勤清言霏玉屑聞
君走京華公卿俱折節冀北登賢書羣推萬人傑詩客
似君稀同儕未堪埒文衡倒屣迎蓮幕爭提挈今歲始
旋歸豪情猶若揭聲譽日益隆操持清以潔漢學擅闕
通杜律推夔絕工夫與年進科名如俯掇愧余實不才
田園徒養拙離索亦已久朋友誰切切話舊更論詩茗
飲自怡悅

哭周醉帆舫夫子

師係咸豐己未舉人禮闈三薦不售家居授徒
門弟子登賢書捷春官者難悉數當代名師也
經師實難遭請業尋端緒吾師道得民文章咸相許及
門數百人蜚聲滿庠序通籍掇巍科同儕推翹楚焉知
未耳順道山渺何處回溯卅年前鹿鳴歌鄉舉三試赴
春官時運輒齟齬梓桑賴傳薪斷斷多儔侶詎料遘屯
遭風淫患心膺一朝急訃傳涕隕不能語齋中散遺文
庭前蒿焚楮遵禮廬心喪微師誰相與

偶成二首

農夫遇儒生每誇知稼穡俶載事南畝素諳藝黍稷皋
比雖坐擁仰給他人食豈若習勤劬先疇自食力所以
古隱淪潛居嫻種植乘地復因天林臬欣幸卽耕鑿可
相安陶然泯知識

儒生遇農夫自言通經籍
挖雅更揚風云爲則古昔
胼胝爲瘁容僅能辨菽麥
詩書至道該奚事親阡陌
所以古聖人無勞動襍
裋四方襁負歸禮義自悅
懌學也祿在中不如稽方策

雪後月夜

有雪月逾明有月雪逾白
寒光萬里同野曠少人迹
醉後欲尋梅冷豔不堪摘

秋闈卽事四首

戊子

夢醒夜三更秦淮滿燈影
多士競攜籃道路爭馳騁
囊卷入龍門矮屋俱嚴整
俄頃忽天明星稀光耿耿
書生雜遝來曉日曛曛冷
過午掩重門清秋時偏永
名場爭訪友老儒獨安靜
晚栖號舍中四壁高談逞
更鼓二更餘夢入邯鄲境

鼓角五更清號軍傳題紙
寐中驚坐起執燭爭諦視
沃

盥下疎帷審題繙四子爐火正純青朝食遑甘旨饗殮
拜皇恩饜飽饗多士永晝快揮毫高文一何綺擊節復
吟哦詩成更自喜靜臥聽雞鳴納卷出門駛枚速與馬
工各擅所長耳

二場剛中旬經生爭摘藻易學宗虞翻訓誥資論討漢
魏六朝文精研稱美好公穀與論說陳編都在抱淹貫
通古今攷據探渾灑落日照高樓挑燈復起草奇文共
欣賞豪傑應推倒疇實稱大雅因文能見道利器貴投
時榮名以爲寶

雲衢千里明中秋正攀桂射策奏爾能閱通推絕詣記
誦有專長洋洋語無滯陳編繙盈筐萬卷尤難計上下
千古間淵海茫無際字裏與行間精詳有斷制餅肉賞
良宵肥甘感君惠九轉喜丹成擾擾羣連綴歸來月正
中木樨香飄袂

遊莫愁湖

名湖號莫愁紺宇傍山陬勝地城門近文人雜遝遊
瀲灩波光淨空濛山色幽芙蕖映紅日蓮葉滿清秋登高
欣臨眺健步上危樓岡巒橫大野浦溆入寒流一鑑水
潏洄飛來雙白鷗鴛鴦依淺水兩兩自沈浮茫茫空闊
間悠然與目謀倚檻足壯觀濁浪接汀洲國豔今何在
湖山萬古留

山寺竹院

寺藏修竹中到門先看竹老衲爲主人幽居在空谷凌
雲近晴崖搖風傍山麓遊士遠尋幽題詩揮毫速鍛句
多岨嶴見之幾捧腹塗鴉滿青筠腐俗不堪讀昨夜秋
雨涼一碧渾如沐萬个影迷離枝亞上牆屋人行空翠
中泠然豁心目

山市

山市數十家依山百餘步層巒三面合江店垂楊路蔬
果與鮮肥交易時相遇我來正清秋阻風歸期誤啜茗
上平臺飲酒經官渡吳姬昔當爐顏色花應妒忽忽逾
十年容顏不如故洗盞勸我飲數錢笑相顧飲罷暮天
鐘夕陽照山樹鎮日惱東風信宿舟中住

江村三首

村舍依江干起望浩無際臨水稻花香欣逢雨秋霽老
農負耒耜遇客話相契生長帝王州江山誇壯麗千塍
碧參差禾稼占豐歲畎畝服先疇胼胝供租稅語罷度
阡陌風前自灑袂

江畔一茅茨近山纔二里東村八九家洽比自相喜垂
楊十餘株傍岸微風起童子六七人乘興釣秋水瞥見
一佳人佩垂何纒纒嫣然籬落間步履柴門裏我心素
已閒何須羨羅綺